

cúrsaí uisce

"abair leat!"

Is deacair go minic glacadh dáiríre le ceisteanna uisce ar oileán ina mbíonn mórchuid báistí. Ach níl Éire féin slán uaidh. Bíonn an iomarca uisce ann uaireanta, easpa uaireanta eile, agus uaireanta bíonn sé truailithe agus mí-oiriúnach d'úsáid ar bith. Cé go bhfuil caighdeán ár gcuid uisce go maith trí chéile:


- tá an t-infreastruchtúr (acmhainn fearais chóireála fuíolluisce mar shampla) ag strachailt le fanacht bonn le bonn le forbairt ar fud Ceantar na Sionainne
- tá speicis ionsaitheacha iasachta nach bhfaightear de ghnáth in uiscí na hÉireann ag leathadh (go mear i gcásanna áirithe) le haimhleas ár speiceas dúchasacha – Diúilicí Riabhach, mar shampla, atá anois forleathan ar fud Ceantar na Sionainne
- truailíodh soláthairtí uisce leis an mbratháí *Cryptosporidium*
- tá tithe nua indibhidiúla agus cnuasaigh thithíochta, ag brath ar dhabhcha múnlaigh, ina mbagairt ar chaighdeán an uisce dromchla agus screamhuisce araon mura ndéantar cúram cuí díobh
- bíonn drochthionchar chomh maith ag forbairt ar thuilemhánna ar chaighdeán uisce agus ar an iompar a bhíonn faoi thuilte.
- tá córas na Sionainne á bhreithniú mar fhoinsé uisce do Mhórcheantar Bhaile Átha Cliath

Agus an daonra ag méadú agus níos mó éilimh á dhéanamh ar uisce, is gá dúinn planáil don toadhchá. Caithfimid gníomhú go praiticiúil lenár n-éilimh a chothromú ionas go bhfuil staid fholláin ar ár nuiscí uile:

- ionas go bhfuil ár bhfoinsí uisce sách cosanta le caighdeán an tsoláthair a chinntiú
- ionas go bhfuil go leor uisce againn le húsáid tráchtála a bhuanú
- ionas go bhfuil ár gcumainn dúchasacha plandaí agus ainmhithe uiscí cosanta
- ionas gur féidir ár nuiscí a úsáid faoi choinne áineasa agus turasóireachta.

Chuirge sin an Treoir um Chreat Uisce an AE: éilíonn sí ar na ballstáit a chinntiú go mbaineann a gcuid uiscí deastádas ar a laghad amach faoi 2015 agus nach dtéann an stádas ó mhaith in aon uiscí.

ceantar abhantraí
idirnaisiunta
na sionainne




An Chreat Treoir Uisce

Baineann an Treoir um Chreat Uisce le bainistiú ar ár n-uiscí in aonaid nádúrtha tíreolaíocha ar a ngairtear Abhantracha D'fhonn an bhainistíocht a dhéanamh praiticiúil, tá abhantracha i gcomharsanacht a chéile áirithe i ngrúpaí Abhantracha Ceantair (ACanna). Má trasnaíonn ceantar abhantraí teorainn náisiúnta gairtear Abhantrach Ceantair Idirnáisiúnta de (ACI), agus ní mór don dá dhlínse comhoibriú lena chéile ina bainistiú.

Tá thart ar 400 abhantrach san oileán seo, agus tá siad roinnte ar ocht gceantar: tá ceithre AC go hiomlán laistigh d'Éirinn, ceann go hiomlán laistigh de Thuaisceart Éireann agus trí AC trasteorann. Beidh plean bainistíochta ag gach AC nó ACI dá gcuid uiscí; eiseofar dréacht de gach plean in 2008 agus beidh deis agat trácht thairis.

Tá chuige struchtúrtha ag an gCreat Treoir Uisce: aimsigh na firicí, roghnaigh cinn chun gnímh, déan plean bainistíochta, cur an plean i bhfeidhm. Ní mór an plean a bheith bunaithe ar na firicí, tá eolas, tuiscint agus tuairimí daoine a úsáideann uisce go laethúil ag teastáil fosta, cé acu á ól, ag iascaireacht ann, ag beathú eallaí leis, ag snámh ann, á úsáid i ndéantúsaíocht nó giniúint chumhachta, nó fiú má's ag siúl leis an madra lena thaobh atá siad. Is é sin an taobh go bhfuil comhairliúchán i gceist ar gach céim de.



A bhfuil tarlaithe go dtí seo

Mar is eol duit, baineann an chéad chéim d'fheidhmiúchán an phlean le firicí a bhaint amach – go mionchruinn. Chiallaigh sin liostaí:

- na huiscí uile i ngach ceantar ar leith. cuimsíonn sin na huiscí dromchla – aibhneacha, locha canálacha, taisciomair, inbhir agus uiscí cois cósta – agus na huiscí faoi thalamh (screamhuiscí) agus na thailte a thaosctar isteach iontu.
- na húsáidí uile daonna de na huiscí sin agus na gníomhaíochtaí daonna ag a mbíonn tionchar orthu. Clúdaíonn sin gach ní ó sholáthar uisce inólta trí eisiltí tionsclaíocha agus talmhaíochta go tógáil ballaí cé agus cuanta.
- na húsáidí uile neamhdhaonna: ní hamháin na hainmhithe a chónaíonn sna huiscí ach chomh maith iad sin ar na himill. Is gá aird ar leith a dhíriú ar speicis áirithe tábhachtacha agus leochaileacha agus a ngnáthóga
- na rialuithe uile atá ann ar úsáidí daonna an uisce: gach aon ní ó Throair AE trí reachtaíocht náisiúnta agus cóid chleachtaistionsclaíochagocoinníollacha ar cheadanna pleanála
- na bagairtí uile ar chaighdeán na n-uiscí, rangaithe in ord a dtábhacht.

Thosaigh an obair blianta fada ó shin agus tá teacht ar mhórán tuarascála úsáideacha trí shuíomh gréasáin an cheantair www.shannonrbd.com. Mura bhfuil na liostaí sin ceart, ní bheidh na Pleananna Bainistíochta Ceantair Abhantraí (a thiocfaidh ann sa chéad chéim eile den phróiseas) ceart ach oiread. Sin an áit inar féidir leatsa cabhrú.



Conas is féidir leat cabhrú

Cuimsíonn Abhantrach Ceantar Idirnáisiúnta na Sionainne réimsí móra de chontaetha Luimnigh, an Chláir, Tiobraid Árann, Uíbh Fhailí, na hIarmhí, an Longfoirt, agus Ros Comáin chomh maith le coda suntasacha de chontaetha Chiarraí, na Gaillimhe, Liatroma agus an Chabháin. Ar na contaetha ag a bhfuil codanna níos lú acu i gCeantar na Sionainne tá Sligeach, Muigh Eo, Corcaigh, Laois an Mhí agus Fear Manach. Tá Cathair Luimnigh ar fad laistigh den Cheantar.

Tá mórán oibre deánta ar na fíricí a bhaint amach: aithint na n-uiscí uile sa cheantar, a stádas agus a gcaighdeán reatha a bhaint amach, liostáil ar na húsáidí a bhaintear as na huiscí agus na brúnna atá orthu. Tá an obair sin ar leanúint, ach tá go leor eolais ann ag an bpointe seo leis na réamhfhionachtain a chur i leabhrán agus iarraidh ort trácht orthu.

Is féidir an leabharán de réamhfhionachtain a íoslódáil shuíomh gréasáin an cheantair www.shannonrbd.com nó is féidir é a lorg ar an teagmhálaí thíos. Tugann sé réamh-fhorbhreathnú ar na príomhfhadhbanna in ár n-uiscí agus na gníomhartha a mholtar len iad a réiteach.

Tig leat cabhrú tríd an leabhrán (nó na coda de is suim leat) a léamh agus trácht a dhéanamh ar na gníomhartha molta. Nó b'fhéidir gur fhágamar ar lár rud ar cheart a thabhairt faoinár ndeara. Tá deis anois agat – tapaigh !!



Is féidir leat do thuairimí a sheoladh chuig:

Mr Enda Thompson
Limerick County Council
Shannon IRBD Project Office
Mulkear House
Newtown Centre
Annacotty
Co. Limerick

info@shannonrbd.com

or

Ms Cate Murphy
Secretary
Implementation Working Group
Environment and Heritage Service
17 Antrim Road
Lisburn
BT28 3AL

Catriona.Murphy@doeni.gov.uk